

Na osnovu člana 20. stav 1. tačka 4) Statuta Fonda za zaštitu okoliša Federacije BiH ("Službene novine FBiH", broj: 33/06 i 1/15), u vezi sa Zaključkom Vlade FBiH V. broj 1722/22 od 24.11.2022. godine i tačkom 7., poglavlje „Obrada prijava“ stav 3. Odluke o usvajanju Programa utroška sredstava „Tekući transferi drugim nivoima vlasti i fondovima - Podrška Evropske unije Bosni i Hercegovini u cilju ublažavanja negativnog socio-ekonomskog uticaja energetske krize“ utvrđen budžetom Federacije BiH za 2023. godinu Federalnom ministarstvu prostornog uređenja (Službene novine FBiH br. 66/23) i Odlukom Upravnog odbora Fonda broj: UO-01-3-9-9-6/2024 od 25.07.2024. godine, a na osnovu provedenog Javnog poziva za dodjelu sredstava iz budžetske podrške EU za provođenje mjera energetske efikasnosti u stambenim objektima za 2024. godinu – JP BPEU SS 2024-1 („Službene novine Federacije BiH - Oglasni dio“ broj: 60/24 od 02.08.2024. godine, dnevni listovi „Dnevni avaz“ i „Večernji list“, kao i na službenoj stranici Fonda: www.fzofbih.org.ba), direktor Fonda za zaštitu okoliša Federacije BiH d o n o s i:

ODLUKU

I.

Odbija se prigovor podnosioca prijave, Asmir Delić, Mahala b.b., 79260 Sanski Most, kao neosnovan.

II.

Ova Odluka je konačna i stupa na snagu danom donošenja.

Obrazloženje

Odlukom o dodjeli sredstava na osnovu postupka provedenog po Javnom pozivu za dodjelu sredstava iz budžetske podrške EU za provođenje mjera energetske efikasnosti u stambenim objektima za 2024. godinu – JP BPEU SS 2024-1 broj: 01-09-12-359/2024 od 03.09.2024. godine, utvrđeno je da prijava pod rednim brojem 4421 nije ispunila zadate uslove za dodjelu sredstava budžetske podrške.

Protiv donesene Odluke podnosilac prijave je blagovremeno izjavio prigovor.

Radi razmatranja prigovora, direktor Fonda je imenovao Komisiju koja je dužna da izvrši ocjenu osnovanosti blagovremeno izjavljenih prigovora u smislu ispunjenosti uslova prijave.

Na osnovu Izvještaja Komisije broj: 06-1-107/2024 od 05.09.2024. godine, utvrđeno je da podnosilac prijave od Fonda tražio ponovni uvid u aplikaciju.

Uvidom u dostavljeno, Komisija za prigovore je utvrdila da u ZK izvadku nije naznačen objekat koji je predmet prijave, već pašnjak 1. Klase. Nadalje, ukoliko u ZK izvatku nije uknjižen objekat koji je predmet prijave, već samo zemljište na kojem se isti nalazi, pored ZK izvatka Aplikant je morao dostaviti i

rješenje o odobrenju za građenje (građevinsku dozvolu) ili rješenje za korištenje objekta (upotrebnu dozvolu). Budući da prema tački 3. (Način prijave i dostavljanja obavezne prijavne dokumentacije) teksta Javnog poziva, je neophodna dostava svih stranica originalnog dokumenata, koji treba da se skenira ili fotografiše (na način da je vidljiva ovjera), te dostavi u PDF ili JPEG formatu. Budući da je podnosilac prijave dostavio nepotpun dokument (Građevinska 1.jpg), komisija za pregled pristiglih aplikacija nije mogla da postupi drugačije od odlučnog. Pored svega prethodno navedenog, podnosilac prijave nije dostavio kompletan predračun, tj. dostavljen je predračun za nabavku materijala ali ne i za usluge rada. Shodno navedenom, a obzirom da prijava ne ispunjava uvjete za dodjelu sredstava budžetske podrške, odlučeno je kao u dispozitivu Odluke.



Sladjan Bevanda, direktor

Broj: 0109-12-6797/2024

Sarajevo, 12.11.2024.

Dostaviti:

- Podnosiocu Prigovora
- Sektoru za Energetsku efikasnost
- Sektoru za pravne poslove
- a/a